



影印

四庫全書

文淵閣

影印

文淵閣四庫全書

第一八一冊

北京出版集團公司
北京出版社

本冊目次

春秋識小錄	清程廷祚撰……………一
惠氏春秋左傳補註	清惠棟撰……………一一九
春秋左傳小疏	清沈彤撰……………二三一
春秋地理考實	清江永撰……………二四七
三正考	清吳鼎撰……………三二九
春秋究遺	清葉西撰……………三四七
春秋隨筆	清顧奎光撰……………六六一
附錄	
春秋繁露	漢董仲舒撰……………六九七

欽定四庫全書

經部
春秋識小錄卷一至三

詳校官監察御史臣王爾烈

給事中臣溫常綬覆勘

總校官檢討臣何思鈞

校對官中書臣孫溶

謄錄監生臣金世英

欽定四庫全書

經部五

春秋識小錄

春秋類

提要

臣等謹案春秋識小錄九卷

國朝程廷祚撰廷祚字啓生上元人嘗舉博學鴻詞又舉經學著述頗多是書凡春秋職官

考略三卷春秋地名辨異三卷左傳人名辨

異三卷其考職官首為數國共有之官次為

一國自有之官皆分別排纂凡與周禮異同

欽定四庫全書

春秋識小錄
提要

者一根據註疏為之辨證頗為精核末為晉

軍政始末表序晉軍八變之制而詳列其將

佐之名又以御戎戎右附表於後亦皆整密惟

署諸國而獨詳晉則未知其例云何也其考

地名首為地同而名異次為地異而名同末

為晉書地理志證今以杜預註左傳皆用晉

代地名故也其辨人名由一人二名以逮一

代地名故也其辨人名由一人二名以逮一

人八名者皆彙列而分註之大致與春秋名號歸一圖互相出入而較為簡明雖似與經義無關然讀經讀傳者往往因官名地名人名之舛異於當日之事蹟不能融會貫通因於聖人之褒貶不能推求詳盡如胡安國之誤執季孫橫生異論者益有之矣則廷祚是書固讀春秋家所當知也乾隆四十五年三月恭校上

欽定四庫全書

春秋識小錄
提要

總纂官臣紀昀臣陸錫熊臣孫士毅

總校官臣陸費墀

欽定四庫全書

春秋識小錄卷一

上元程廷祚撰

春秋職官考略上

宰

周禮天官卿曰太宰其屬有小宰宰夫等官春秋諸國雖有此官然其爵命未必相同其職司亦未必盡與周禮合今但以類相從云耳

欽定四庫全書

春秋識小錄
卷一

周

隱元年宰咺杜氏以為天子大夫疏引宰夫職曰凡邦之弔事掌其戒令與其幣器財用謂既掌弔事或即充使咺蓋宰夫也周禮宰夫下大夫也

桓四年宰渠伯糾

僖九年宰周公會諸侯杜曰天子三公

僖三十年宰周公來聘杜曰天子三公兼冢宰也

宋

太宰 少宰
春秋宋國職官備于他國故今俱以宋為首

桓二年宋殤公時華督為太宰已而督弑殤公諸侯

受其賂遂相宋公按此則太宰宋之相也

成十五年向帶為太宰魚府為太宰

襄九年宋災使西鉏吾庀府守杜曰鉏吾太宰也府

六官之典正義曰鉏吾太宰傳無其文說本賈

逵

襄十七年皇國父為太宰

魯太宰宰人

欽定四庫全書

春秋識小錄
卷一

二

隱十一年羽父請殺桓公將以求太宰按自是以後

魯無太宰矣

哀三年桓僖宮災子服景伯命宰人出禮書以待命

杜曰宰人冢宰之屬

齊

昭二十七年齊侯飲魯昭公酒使宰獻而請安疏曰

燕禮者公燕大夫之禮也公雖親在而別有主

人鄭元云主人者宰夫也宰夫太宰之屬掌賓

客之獻飲食者也

鄭太宰

襄十一年諸侯復伐鄭鄭使良霄石巢如楚告將服

于晉按石巢為良霄之介則太宰之官非鄭所

重矣又昭元年趙孟曰武請于冢宰矣杜曰冢

宰子皮則鄭上卿又有冢宰之稱猶之曰為敖

為宰也

楚太宰少宰

欽定四庫全書

春秋識小錄
卷一

三

宣十二年楚少宰如晉師

成十年太宰子商

成十六年太宰伯州犁

昭元年遂啓疆為太宰

昭二十一年太宰犯

吳太宰

定四年伯州犁之孫詬為吳太宰

司徒

周禮地官卿曰大司徒其屬有小司徒等官

周

襄二十一年晉欒黶奔楚過周王使司徒禁掠欒氏者歸所取焉

昭二十二年司徒醜杜曰悼王司徒也

宋

文七年鱗矐為司徒

成十五年華喜為司徒

欽定四庫全書

春秋識小錄
卷一

四

襄九年宋災使華臣具正徒杜云時為司徒疏引周禮大司徒掌徒庶之政令小司徒凡用衆庶則掌其政教凡國之大事致民

昭二十二年邊卬代華定為大司徒

哀二十六年皇懷為司徒

魯

昭四年南遺謂季孫為司徒

鄭

襄十年子孔為司徒

衛

哀二十五年司徒期

楚

宣十一年令尹為艾獵城沂使封人慮事以授司徒

陳

襄十七年司徒印

昭八年司徒招

欽定四庫全書

春秋識小錄
卷一

五

哀十一年初轅頗為司徒

司馬

周禮夏官卿曰大司馬其屬有小司馬等官

宋 大司馬 少司馬

隱三年大司馬孔父

僖二十二年大司馬固杜氏以為公孫固又司馬杜

氏以為子魚

文七年樂豫為司馬旋以讓公子印明年宋殺大司

馬公子印

文十六年華耦為司馬是年耦卒蕩虺為司馬

成十五年蕩澤為司馬是年又使老佐為司馬

襄六年宋樂轡以弓楛華弱于朝平公曰司武而楛

于朝難以勝矣杜曰司武司馬時弱為司馬是

年奔魯

襄九年宋災使皇鄆命校正馬工正出車備甲兵

庀武守皇鄆時為司馬

欽定四庫全書

春秋左傳卷六

六

昭二十一年華耦為少司馬時耦之父華費遂為大

司馬

昭二十二年宋使公孫忌為大司馬杜云代華費遂

哀二十六年皇非我為大司馬

魯家司馬附

昭四年南遺謂叔孫為司馬按昭二十五年叔孫氏之司

馬駸戾家臣亦有司馬之名又襄二十二年華

氏以公鉏為馬正杜云馬正家司馬按周禮家

司馬屬夏官主卿大夫采地之軍賦者即使家臣為之

鄭

襄二年子國為司馬

襄十四年司馬子蟠

楚大司馬左司馬右司馬

僖二十六年子西為司馬

宣四年子越為司馬已而為賈為司馬

欽定四庫全書

春秋左傳卷七

七

成十六年鄆陵之戰司馬將中軍時子反為司馬

哀二年楚殺右司馬公子申

襄三年司馬公子何忌

襄十二年司馬子庚

襄十五年為子馮為大司馬公子橐師為右司馬公

子成為左司馬

襄二十二年公子畸為司馬

襄二十五年為掩為司馬

昭十七年司馬子魚

昭二十三年司馬蘧越

昭二十七年少司馬沈尹戌

昭三十一年右司馬稽

哀四年左司馬販

哀十八年右司馬子國

陳

襄二十五年司馬桓子

欽定四庫全書

春秋經傳集解
卷一

蔡

襄八年司馬公子突

吳

哀十一年父陵之戰吳子呼叔孫曰而事何也對曰

從司馬杜曰從吳司馬所命

司寇

周禮秋官卿曰大司寇其屬有小司寇等官

宋大司寇 少司寇

文七年華御事為司寇

文十六年公子朝為司寇

文十八年樂呂為司寇

成十五年向為人為大司寇鱗朱為少司寇是年二

司寇出奔楚樂裔為司寇

襄九年宋災使樂遄庀刑器杜曰樂遄司寇

昭二十年少司寇華經

昭二十二年樂輓為大司寇

欽定四庫全書

春秋經傳集解
卷一

哀二十六年樂朱鉏為大司寇

魯

文十八年莒僕來奔季文子使司寇出諸竟

宣十八年臧宣叔逐東門氏杜曰時為司寇

襄二十一年臧武仲為司寇

定元年孔子之為司寇也孔子為司寇在定公十年

後

晉

襄三年魏絳曰請歸死于司寇按昭十四年晉士景

伯如楚叔魚攝理則晉之刑官又有理之名矣

齊

成十八年慶佐為司寇

鄭野司寇附

昭十八年鄭災子產使司寇出新客禁舊客勿出于

宮又使野司寇各保其徵杜曰野司寇縣士也

按周禮司寇之屬有縣士掌野各掌其縣之民

欽定四庫全書

春秋傳小傳
卷一

十

數而聽其獄訟若邦有大役聚眾庶則各掌其

縣之禁令郊外曰野縣士聽郊野之獄訟故傳

謂之野司寇

衛

昭二十五年衛公孫孟縶奪齊豹司寇

哀二十五年衛侯之入也奪司寇亥政

司空

周禮大宰以官府之六屬舉邦治六曰冬官即

司空也

魯

隱二年司空無駭杜曰魯司徒司馬司空皆卿也

昭四年孟孫為司空以書勲疏云按周禮司勲屬夏

官今司空書勲者又是春秋時諸侯之法不可盡

與禮同

晉大司空

莊二十六年晉士蒍為大司空杜曰大司空卿官按

欽定四庫全書

春秋傳小傳
卷一

十一

此時晉猶未改諸卿之名故杜云然

文二年司空士穀

成十八年右行辛為司空按文二年杜曰晉司空非

卿也襄十九年有司馬司空在軍尉與尉間為

六卿之屬則非復從前所謂司空矣疏云雖則

非卿職掌不異故傳曰右行辛為司空使修士

蒍之法

襄三十一年司空以時平易道路

鄭

襄十年子耳為司空

司城

春秋宋無司空而有司城所謂以武公廢司空

也

宋

文七年公子蕩

文八年蕩意諸

欽定四庫全書

春秋識小錄
卷一

十三

文十六年母弟須

文十八年公孫師

襄六年子罕

昭二十二年樂祈

哀二十六年樂棧

曹

哀七年曹伯陽使公孫疆為司城以聽政按司城宋

官曹不應有益曹後衰弱奉宋之政令已久其

見滅于宋宜矣

司敗

楚

文十年子西見成王曰臣歸死于司敗杜曰楚名司

寇為司敗

宣四年若敖之亂箴尹克黃使于齊還歸復命而自

拘于司敗

唐

欽定四庫全書

春秋識小錄
卷一

十三

唐亦有此官見定三年按論語陳亦有司敗蓋唐陳

皆近楚之國設官或相慕效也

師傅

太師太傅太保天子三公也周禮典命公之孤

四命鄭衆云九命上公得置孤卿一人按此則

上公之國乃得置孤侯國有之僭也

晉太師太傅

文六年太師賈佗太傅陽處父按此則晉嘗置二孤

矣

宣十六年晉侯請于王以黻冕命士會將中軍且為

太傅

成十八年士渥濁為太傅疏云此大夫官非孤卿也

羊舌肸亦然

襄十六年羊舌肸為傅

衛少師

襄二十七年衛侯以公孫免餘為少師

欽定四庫全書

春秋說小錄
卷一

十四

楚太師

文元年楚穆王以潘崇為太師

襄十七年太師子穀

蔡太師

襄二十五年太師子朝

隨少師

桓六年楚武王侵隨隨使少師董成

史

周禮春官之屬有太史小史內史外史御史等
官雖各有所職大抵俱以典策為重

周太史 內史

桓十七年天子有日官杜曰日官天子掌歷者疏云

周禮太史掌正歲年以序事頒告朔于邦國天

子掌歷者謂太史也

莊二十二年周史有以周易見陳侯者杜曰史周太

史也

欽定四庫全書

春秋說小錄
卷一

十五

哀六年楚子使問諸周太史

桓二年周內史聞之按內史掌王之八枋之灋以詔

王治又凡命諸侯及孤卿大夫則策命之

莊三十二年內史過

僖十六年內史叔興

文元年內史叔服

襄十年晉滅偃陽使周內史選其族嗣納諸霍人杜

曰內史掌爵祿廢置者

號

莊三十二年史嚚杜曰史太史也

魯 太史 外史

文十八年太史克

昭二年晉韓宣子來聘觀書于太史氏

昭十七年夏六月甲戌朔日有食之太史答季平子

按桓十七年諸侯有日御杜曰日御典歷數者

蓋即太史也

欽定四庫全書

春秋傳小錄

十六

哀十一年太史固

襄二十三年季孫召外史掌惡臣而問盟首焉孔穎

達以諸侯無內史不得有外史此蓋史官身居

在外季孫從內召之故曰外史非官名也不知

是否按周禮外史掌書外令掌四方之志

晉 太史

宣二年太史董狐

襄三十年史趙

昭十五年辛有之二子董之晉于是乎有董史杜曰

辛有周人也其二子適晉為太史

昭二十九年蔡史墨

哀九年趙鞅卜救鄭占諸史趙史墨史龜按周禮太

史之職大祭事與執事卜日其所掌雖有此一

條而卜筮之事自有太卜等官專掌也春秋時

如周之太史晉之史趙等俱嘗以占卜見殆其

後又稍稍侵官耶

欽定四庫全書

春秋傳小錄

十七

哀二十四年晉鉏臧石牛太史謝之

齊 太史 南史

襄二十五年太史書崔杼弑其君又有南史疏云南

史是佐太史者蓋小史也以其居在南謂之南

史耳

昭二十年史嚚

哀十四年太史子餘

鄭 太史

襄三十年使太史命伯石為卿按天子策命之事

內史所掌今鄭以太史主之者孔穎達謂諸侯

兼官無內史故也

昭元年公孫黑彊與于盟使太史書其名且曰七子

衛太史

閔二年狄人囚史華龍滑與禮孔以逐衛人二人曰

我太史也實掌其祭

楚左史

欽定四庫全書

春秋識小錄

十八

昭十二年左史倚相疏引禮玉藻云動則左史書之

左史之義蓋本于此

哀十七年左史老

祝

按周禮有大祝其屬有小祝又有喪祝甸祝詛

祝等官皆統于宗伯

宋

哀二十六年祝襄

號

莊三十二年祝應杜曰祝大祝也

魯祝史

昭十七年日有食之祝史請所用幣祝史者蓋兼祝

史二官或掌祝者謂之祝史猶掌卜者謂之筮

史也

齊

昭二十年祝固

欽定四庫全書

春秋識小錄

十九

鄭

昭十六年祝欸

衛祝史

定四年祝鮒

哀二十五年祝史揮義見魯

宗

號

莊三十二年宗區杜曰宗宗人按周禮春官有都宗

人掌都祭祀之禮家宗人掌家祭祀之禮此杜

所謂宗人者

魯宗伯 宗人

文二年夏父弗忌為宗伯周禮春官卿曰大宗伯其

屬有小宗伯等官

哀二十四年宗人釁夏按宗伯為典禮要職而僅魯

一見則當時諸國之廢禮可知其餘以祝宗並

稱者大抵皆宗人也然哀公以立夫人大事而

欽定四庫全書

春秋傳小傳

二十

使宗人獻其禮則魯此時宗伯之官亦廢矣可

歎也又按定四年祝佗稱魯公之封有祝宗卜

史杜氏解宗為宗人豈宗伯一官本侯國所無

其有之者僭也而宗人亦春秋時之僅存者歟

掌卜之官

周禮春官有太卜卜師卜人龜人蕚氏占人筮

人等官

魯卜士 史

桓六年子同生公使卜士負之按禮內則曰國君世

子生三日卜士負之

文十八年卜楚邱杜曰魯掌卜大夫

襄九年穆姜薨于東宮始往而筮之遇艮之八史曰

是謂艮之隨

晉筮史

閔元年卜偃杜曰晉掌卜大夫

僖十五年史蕚杜曰晉卜筮之史按周禮卜筮之官初

欽定四庫全書

春秋傳小傳

三十

不名史蓋因周制史占墨而其後掌卜者亦名

史也

僖二十八年曹伯之豎侯孺貨筮史

成十六年鄆陵之戰公筮之史曰吉

齊史

襄二十五年崔武子欲取棠姜筮之遇困之大過史

皆曰吉

鄭

昭十八年鄭災使公孫登徙大龜杜曰登開卜大夫

衛

哀十七年晉彌穀占之杜曰赦筮史

秦

僖十五年卜徒父杜曰秦之掌龜卜者

梁

僖十五年卜招父杜曰梁大卜

楚卜尹

欽定四庫全書

春秋左傳卷一

三十三

昭十三年平王使觀從為卜尹

邾史

文十三年邾文公卜遷于繹史曰利于民而不利子

君

掌樂之官

周禮宗伯之屬有大司樂太師等官

衛太師

襄十四年公飲孫蒯酒使太師歌巧言之卒章

楚樂尹

定六年昭王以鍾建為樂尹杜曰樂尹司樂大夫

掌工之官

按周禮缺冬官後人以考工記補之其實司空掌土非掌材者也觀宋魯俱有司空而復有工正可知愚意周人百工之事已散見于六官之屬而太宰司徒為多至司空所掌今不可考學者不必強為之說

欽定四庫全書

春秋左傳卷一

三十三

宋工正

襄九年宋災命工正出車疏云周禮司馬無掌車之

官巾車車僕職皆掌車乃為宗伯之屬又據昭

四年司馬與工正書服是諸侯之官有工正屬

司馬也

魯工正

昭四年司馬與工正書服杜曰車服之器工正所書

正義云工正掌作車服故與司馬書服按定四

年有郈工師駟赤家臣也

齊工正

莊二十二年陳公子完奔齊桓公使為工正

楚工尹

文十年楚子使子西為工尹杜曰掌百工之官

宣四年為賈為工正

宣十二年工尹齊

成十六年工尹襄

欽定四庫全書

春秋識小錄
卷一

二十四

昭十二年工尹路

昭十九年工尹赤

昭二十七年工尹壽

哀十八年工尹遂固

行人

按周禮秋官有大行人掌大賓之禮與大客之

儀小行人掌使適四方協賓客之禮按春秋所

書如鄭良霄陳于徵師魯叔孫婁之類乃一時

奉使者亦曰行人然非專官故不載

周

襄二十一年樂盈過周辭于行人

魯

文四年使行人私焉

晉

襄四年子負

襄二十六年子朱

欽定四庫全書

春秋識小錄
卷一

二十五

鄭

襄二十四年公孫揮

衛

哀十二年子羽

吳

成七年楚狐庸為吳行人

定四年伍員為吳行人

校正